

引 得

第三十三號

三國志及裴注綜合引得

哈佛燕京學社

一九三八，十二月

登記證警字第一三一二號

三國志及裴注綜合引得

序

三國志六十五卷，晉陳壽撰，宋裴松之注。壽字承祚，巴西安漢人，常璩華陽國志及房喬晉書皆有其傳，惟所述壽之仕履，每不相同。華陽國志¹曰：

陳壽……初應州命，衛將軍主簿，東觀秘書郎，散騎黃門侍郎。大同後，察孝廉，爲本郡中正，……著作郎。吳平後，壽乃鳩合三國史，著魏吳蜀三書，……號三國志，……品藻典雅，中書監荀勗，令張華深受之。……出爲平陽侯相。華又表令定次諸葛亮故事，集爲二十四篇。……入爲著作郎。鎮南將軍杜預表爲散騎侍郎。詔曰：‘昨適用蜀人壽良具員，且可以爲侍御史……’華表令兼中書郎，而壽魏志有失勗意，勗不欲共處內，表爲長廣太守。……數歲，除太子中庶子……兼散騎常侍。惠帝謂司空張華曰：‘壽才宜真，不足久兼也。’華表欲登九卿，會受誅，忠賢排擯，壽遂卒洛下。……

晉書²曰：

陳壽……仕蜀爲觀閣令史。宦人黃皓弄弄威權，大臣皆曲意附之，壽獨不爲之屈，由是屢被譴黜。……蜀平，……司空張華……舉爲孝廉，除著作佐郎；出補平陽令。撰蜀相諸葛亮集，奏之。除著作郎，領本郡中正。撰魏吳三國志，……華深善之，……將舉爲中書郎，荀勗忌華而疾壽，遂諷吏部遷壽爲長廣太守。辭母老，不就。杜預將之鎮，復薦之於帝，宜補黃散，由是授御史治書。以母憂去職。……數歲，起爲太子中庶子，未拜。元康七年病卒，年六十五。……

二書所載，以華陽國志爲詳，惟訛誤則均不免，請分別言之。

華陽國志於述吳平壽撰三國志之後，始云出爲平陽侯相，定次諸葛亮故事，一似諸葛亮故事編成於三國志殺青之後者。考三國志蜀書諸葛亮傳附壽上諸葛亮故事表³，末署‘泰始十年二月一日癸巳平陽侯相陳壽上’，而晉之詔吳在太康元年三月，⁴上距泰始十年，尙有六載。則其列定次諸葛亮故事於撰述三國志之後，時

1. 卷十一，葉九上，四部叢刊本。

2. 卷八十二，葉一上，百衲三十四史本。

3. 卷五，葉十九上，光緒癸卯五洲同文書局石印本。

4. 晉書卷三，武帝紀，葉十一上。

間次第，顯有顛倒。華陽國志又謂壽拜太子中庶子後，曾兼散騎常侍。考志之同卷及次卷⁵皆僅稱壽爲太子中庶子，而贊亦云‘庶子稽古，遷固並聲’，皆未呼爲散騎。又考晉書⁶記壽卒後，范頽表請寫錄三國志，僅稱壽爲‘故治書侍御史’，非但未言散騎常侍，且並不稱太子中庶子。則晉書所云壽未拜庶子之命，似爲實錄，而華陽國志之謂壽兼散騎常侍者，恐係誤記也。華陽國志又謂張華欲薦爲九卿，曾受誅，壽遂見擠而卒。考華於永康元年遇害，⁷其時壽卒（元康七年）已及三載，則所謂壽以華死而遭排抑者，豈非荒謬之談乎。

晉書謂蜀平後，司空張華舉壽孝廉。考華爲司空，在元康六年。⁸蜀平之時，華方爲中書郎，晉受禪，始拜黃門侍郎。⁹壽之被錄中朝，約在泰始初載，距華位登三事，尙有二十餘年，其時何得即有司空之稱？雖云華曾居是官，泛稱不爲大誤，但與當時情形不合，究屬不甚相宜也。晉書又謂壽由著作佐郎出補陽平令。考壽上諸葛亮故事表署銜爲平陽侯相，與華陽國志所記相同。陽平令與平陽侯相，二者不知孰爲得實。第自署之銜，似不致有何差謬。即令傳鈔難免魚豕之訛，但侯相一稱，在後世並不普遍，而平陽在晉時之爲侯國，亦非盡人皆知；故以理度之，晉書之誤，殊爲顯然。晉書於壽撰諸葛亮集（即諸葛亮故事）之後，始云除著作郎領本郡中正。考三國志蜀書譙周傳，¹⁰壽自述云‘……泰始……五年，予嘗爲本郡中正，清定事訖，求休還家。……’而諸葛亮集上於泰始十年，距其爲中正之歲，已逾五載，今反叙定次諸葛亮集於領中正之前，行文次第，恐亦難辭顛倒之咎也。

晉書述壽撰三國志，不言經始及成書時日，華陽國志謂吳平後，

5. 卷十一，葉二上；又卷十二，葉十五上。

6. 卷八十二，葉一上。

7. 晉書卷四，葉三下。

8. 全上，葉二下。

9. 全上，卷三十六張華傳。

10. 卷十二，葉十四下。

壽始鳩合三國事蹟，著爲三國志，已大致述及經始之時矣，而亦未言寫定年歲。據晉書禮志，¹¹太康元年吳平之際，壽正爲‘兼侍郎著作’。時宇內混一，諸方典籍，皆歸洛下，而著作郎爲史職，似華陽國志所云，吳平壽始撰三國志之說，頗爲可信。又華陽國志謂荀勗以不滿於魏志，因抑壽使之不得爲中書郎，是勗已見壽書。考勗卒於太康十年十一月。¹²則三國志之成，至遲亦不能在太康十年之後。第文獻殘闕，其殺青之確切年月，已難知矣。

三國志叙事該簡，不愧名作。故在當時，對於陳壽已有良史才之稱，甚至張華欲以編撰晉書之任相付，而范曄亦謂其書‘辭多勸誡，明乎得失，有益風化’。¹³第著作之官，爲清貴之選，壽以亡國遺臣，得膺其任，既難免見妬於中朝人士，而又與故國名宿李驥壽良等相短長，¹⁴因之，書成之後，譽者雖不乏人，毀者亦紛沓而至，枉蒙謗詬，千有餘載，直至清代，始有人起而爲之剖辯。今撮述如次，想亦爲關心此段公案者所樂聞也。

晉書述當時謗壽者¹⁵曰：

……或云：丁儀丁廙有盛名於魏，壽謂其子曰，‘可覓千斛米，見與，當爲尊公作佳傳。’丁不與之，竟不爲立傳。壽父爲馬超參軍，譴爲諸葛亮所誅，壽父亦坐被髡；諸葛瞻又輕壽。壽爲亮立傳，謂亮將畧非所長，無應敵之才；言瞻唯工書，名過其實。議者以此少之。……

乞米之說，晉以來頗喧騰人口，周書柳蚪傳¹⁶曰：

……蚪以史官密書善惡，未足懲勸，乃上疏曰，‘……著述之人，密書其事，縱能直筆，人莫之知，何止物議橫生，亦自異端互起，故班固致受金之名，陳壽有求米之論，……’

此僅云有求米之論，未即言其求米爲實。唐書劉允濟傳¹⁷曰：

……允濟……爲著作佐郎，脩國史。常曰，‘史官善惡必書，使驕主賊臣懼，

11. 卷二十，葉十四下。 12. 晉書卷三，葉十四上。 13. 全上卷八十二，葉一上。
14. 華陽國志卷十一，葉十一下。 15. 卷八十二，葉一上。
16. 卷三十八，葉五上。 17. 卷二百二，葉二下。

三國志及裴注綜合引得

此權顧輕哉？而班生受金，陳壽求來，僕乃視如浮雲耳。’……

此雖認求來爲實，但尙未加呵斥。劉知幾¹⁸曰：

……史氏……亦有事每惡虛，詞多烏有，或假人之美，藉爲私惠；或誣人之惡，持報己讎。若……班固受金而始書，陳壽借來而方傳，此又記言之奸賊，載筆之內人，雖肆諸市朝，投畀豺虎可也？……

此非但信求來爲實，且以惡言相詬矣。至清康熙中，朱彝尊始據史實，稍爲剖白，其言¹⁹曰：

陳壽，良史也。世誤信晉書之文，謂索米丁氏之子，不獲，竟不與立傳。……壽於魏文士，惟爲王粲衛觔五人等立傳。粲取其興造制度，覬取其多識典故，若徐幹陳琳阮瑀應瑒劉楨，僅於粲傳附書，彼丁儀丁廙何獨當立傳乎？造此謗者亦未明壽作史之大凡矣。……

此僅云壽不爲二丁立傳，爲史體所應爾。迨乾隆中，杭世駿乃更作進一步之駁辯，²⁰曰：

……丁儀丁廙……以吾觀之，壽豈不爲立傳而已，於陳思王傳則曰，‘植既以才見異，而丁儀丁廙楊脩等爲之羽翼。’於衛臻傳則曰，‘太祖久不立太子，而方奇貴臨菑侯，丁儀等爲之羽翼。’是奪嫡之罪，儀廙爲大。……而……又侍寵……害賢……，蓋巧言令色孔壬之尤者也，更安得立傳！然此猶陳壽一人之言也，求來不得，或從而甚之乎。王沈於丁氏無求也，其撰魏書，一則曰奸以事君，一則曰果以內僞敗。魚豢張騫於丁氏又無求也，豢撰魏略稱文帝欲儀自戕，儀向夏侯尚求哀；騫撰文士傳，稱廙盛譽臨菑侯，欲以勸勅太祖；則儀廙之事，壽所書皆爲實錄。……且廙又未嘗沒儀與廙之長；在劉廙傳則曰，‘與儀共論刑禮’；在王粲傳則曰‘沛國丁儀丁廙……亦有文采。’藉令壽不求來，爲二丁傳，若此止矣！……

此僅云以二丁之傾邪，更不應爲之立傳；於乞米之說，雖稍言之，而未能證爲虛構。是壽罪雖未減，而冤終未大白也。考三國志魏書陳思王傳²¹有‘文帝即王位，誅丁儀丁廙，并其男口’之文，此種記述，諒非壽所虛造。夫男口既遭駢戮，則二丁當不能尙有子嗣存至晉

18. 史通，卷七，葉八下，曲筆篇，四部備要本。

19. 曝書亭全集，卷五十九，陳壽論，葉十一下，四部備要本。

20. 道古堂文集卷二十二，葉八上，論丁儀丁廙，光緒十四年汪氏振綺堂刊。

21. 卷十九，葉六下。

世而壽向丁氏子索米之謠，可不攻自破矣。

至壽非薄諸葛父子以報宿憾之說，亦發生甚早，信者甚衆。常璩述蜀長老之言²²曰：

陳壽嘗爲瞻吏，爲瞻所辱，故……歸惡黃皓，而云瞻不能匡矯……

劉知幾²³亦曰：

陳氏國志劉後主傳云，‘蜀無史職，故災祥靡聞。’案黃氣見於徒歸，羣鳥墮於江水，……若史官不置，此事從何而書？蓋由父辱受貶，故加茲謗議者也。……

邵溥謁武侯廟文，於頌揚諸葛亮之後，續²⁴曰：

惟史臣壽，姦言非公；惟大夫周，誤國非忠。……

凡此皆認壽確爲藉史筆以泄憤者。至宋蘇尊乃起而略辨之，²⁵曰：

……街亭之敗，壽直書馬謖違亮節度，……爲張郃所破，初未嘗以父參謖軍被罪，借私隙告亮。至謂亮應變將略非其所長，則張儼袁準之論皆然，非壽一人之私言也。……

王鳴盛亦²⁶曰：

……壽……撰次亮集，……推許甚至，本傳特附其目錄，并上書表，創史家未有之例，尊亮極矣！評中反覆盛稱其刑賞之當，則必不以父坐罪爲嫌。……亮六出祁山，終無一勝，則可見爲節制之師，於進取稍鈍，自是實錄。

趙翼更²⁷曰：

……亮之不可及處，原不必以用兵見長。觀壽……評……亮……引孟子之言，以爲仗道使民，雖勞不怨，生道殺民，雖死不怨殺者，此真能逃王佐心事。至於用兵不能克捷，亦明言所與對敵或值人傑，加以衆寡不侔，攻守異體，又時無名將，故使功業陵遲，且天命有歸，不可以智力爭。……持論……如此，固知其折服諸葛深矣，而謂其以父被貶之故以此寓貶，真不識輕重者！

近人李景星著三國志評議，²⁸對此層亦有所論列，惟皆屬引伸宋王趙三家之說，舉證雖詳，但無新解，故暫置弗述。竊謂諸葛亮爲千古第一流人物，在當時既遺念在民，至後世復爲衆所景仰，因過度

22. 三國志蜀書卷五葉二十一上裴注。

23. 史通卷七，葉九上，曲筆篇。

24. 王應麟困學紀聞卷十三葉十二下，光緒八年新邵廖氏刻本。

25. 曝書亭集卷五十九，葉十一下，陳壽論。

26. 十七史商榷卷三十九，葉一下，上海文瑞樓石印本。

27. 廿二史劄記，卷六葉九上，上海文瑞樓石印本。

28. 毗陵草堂四史評議全書本，民國廿一年鉛印。

之崇拜，遂惡人揭揚其短；而瞻以名父之子，身死國難，忠孝壯烈，克振家聲，重之者自亦不欲人昌言其非。陳氏在此種空氣下，乃敢違衆立言，此其所以誹謗叢生，歷千載而始得昭雪乎！

三國志魏書，自曹操以下至曹奐皆稱紀，而蜀吳二書，劉備孫權等則均稱傳，於是帝魏帝蜀之爭起，而陳壽遂又爲祖劉者集矢之的。帝蜀之議，發自習鑿齒，晉書²⁹曰：

……桓溫覬覦非望，鑿齒在郡著漢晉春秋以裁正之，起漢光武，終於晉愍帝。於三國，蜀以宗室爲正，魏武[？]雖受漢禪，尙爲篡逆，至文帝平蜀，乃爲漢亡而晉始興焉。引世祖諱炎興而爲禪受，明天心不可以勢力強也。……

習氏之說雖與陳氏不同，但尙未關弓相射。至南宋中葉，周必大乃大放厥辭，³⁰曰：

曹氏代漢，名禪實篡。……陳壽身爲蜀人，徒以仕屢見黜，父又爲諸葛所弒，於劉氏君臣不能無憾，著三國志，以魏爲帝而指漢爲蜀，與孫氏俱謂之主，設心已偏，故凡當時詔祭高帝以下昭穆制度，皆略而不書。方見乞米於人，欲作佳傳，私意如此，史筆可知矣！……

周氏將晉書所載誣蔑陳氏之言，皆信爲實錄，自無怪其動以惡言相詆矣。

習氏創議，言之雖不似無理，但初時和者究不甚多；善爲譏評如劉知幾，對陳氏之詆譏不可謂不苛，第於帝魏一節，終未肯直斥其非；特論方正如司馬光，其所修資治通鑑，亦未嘗以正統予蜀。直至宋室南渡，朱熹爲通鑑綱目，蕭常作續後漢書，始用黜曹之說，升蜀於魏吳之上，而此後遂少有不遵習氏者。其不以耳爲目，不爲俗論所惑，起而爲持平之論，且代陳氏辯護者，則始自清代之朱彝尊。其言³¹曰：

……壽……齊魏於吳蜀，正其名曰三國，以明魏不得爲正統，其識迴拔乎流

29. 卷八十二，葉十下，習鑿齒傳。

30. 蕭常，續後漢書，周氏序文，墨海金壺本。

31. 曝書亭集卷五十九，葉十一下，陳壽論。

俗之表。且……魏之受禪，……頌功德，……上符瑞，先後動百餘人，其文見裴松之注，……而壽盡削之。……至先主王漢中，即帝位武擔，蜀之羣臣請封之辭，勸進之表，告祀皇天后土之文，大書特書，明著昭烈之紹漢統，予蜀以天子之制，足以見良史用心之苦矣。……綱目紀年，以章武接建安，……然百世之下可爾；其在當時，蜀入於魏，魏禪于晉，壽既仕晉，安能顯尊蜀以干大戡乎！

李龍官亦³²曰：

陳壽三國志，……後儒爭營其帝魏寇蜀。夫壽本仕晉，晉承魏祚，奉令修史，難於立言；況壽並不帝魏寇蜀也。三國各自爲書，……蜀志首曰先主後主諱某，迥非孫氏所能比。……末復假楊戲贊以網羅全史，且陰著中漢季漢名目，于以見皇統斯在，變例隱辭，令後人自悟，苦心千載若揭也。……

錢大昕更³³曰：

……魏氏據中原日久，而晉承其禪，當時中原人士知有魏不知有蜀久矣。自承祚書出，始正三國之名；且先蜀而後吳，又於楊戲傳末載……季漢之名，……明乎蜀之實漢也。習鑿齒……不過因其意而推闡之。而後之論史者，輒有蜀而左陳，毋乃好爲議論而未審乎時勢之難易乎？……考亭生於南宋，事勢與蜀漢相同，以蜀爲正，固其宜矣。……

此外若何焯，王鳴盛，趙翼等皆有所論辯，但皆不出朱李錢三氏疇範，而近人李景星³⁴所言，亦僅推衍諸家之說，並無若何創解，置而不論可也。

夫正統問位之爭，在今日視之，本屬無謂。就令義之所在，不得不爭，則孰統爲正，孰位爲問，亦難有絕對標準。若謂曹氏篡漢，亂臣賊子，理應貶斥，則史家所認爲正統之朝代，有幾許非由叛亂篡弑得來。若謂劉備漢室之裔，紹承先業，理應視之爲正，則五代南唐李氏亦嘗自稱爲唐室之後，何以史家尚以僭僞視之乎？善哉司馬光之言³⁵曰：

……周秦漢晉隋唐皆嘗混一天下，……今全用天子法臨統諸國。其餘蜀

32. 三國志吳書卷二十，末頁所附考證。

33. 錢大昭三國志辨疑，大昕序，正覺樓叢書本。

34. 三國志蜀書卷一附攷證引何焯語，王氏十七史商榷，趙氏二十二史劄記，李氏三國志評議皆論及陳氏之書法微意。

35. 章如愚山堂考索前集卷十六，葉二下，明正德年刊本。

魏吳……五代諸國，地醜德齊，不能相一，名號匹敵，本非君臣者，皆用列國法。至如劉備雖曰承漢，然族屬疏遠，不能紀其世數名字，亦猶宋高祖自稱楚元王後，李煜自稱吳王格後，是非難明，今並同之列國。……

其說甚允。偉人之論勝俗儒遠矣！

三國志在正史中獨爲一體，發凡起例，殊有足資楷式者，而劉知幾頗譏之。魏書傳列董卓諸人，劉氏不以爲然，其言³⁶曰：

當魏武乘時撥亂，電掃羣雄，鋒鏑之災，網羅之所及者，蓋唯二袁劉昌而已。若進鵠行弑，然膺就戮，總關王室，不涉霸國。而陳壽國志，引居傳首。夫漢之董卓猶秦之趙高，昔車令之誅既不列於漢史，何太師之號遂獨刊於魏書乎！兼復臧洪，陶謙，劉虛，孫瓚，生於季末，自相吞噬；其於曹氏也，非唯理異犬牙，同亦事同風馬，漢典所具，而魏冊仍編，豈非流官忘歸，迷而不悟者也！

夫漢室之亡，董爲禍首，曹氏之興，卓所促成，而臧陶諸人，皆與魏武前後並起，其地或直接或間接皆入於曹。不傳董卓則曹氏之興嫌無所承，不傳臧陶諸人則創業之事不爲完具。劉氏既不詆陳氏以魏武爲紀首，顧乃論傳董陶等爲不當；若如劉氏之言，摒董卓等不錄，則魏書以武帝開端，豈不過爲突兀乎。至以趙高與董卓並論，比擬尤爲不倫，凡明史實者，皆足知之，不必再爲辭費矣。劉氏又³⁷曰：

……陳壽蜀書首標二牧，次列先主，以繼焉璋。豈以蜀是僞朝，遂乃不遵恒例？但鵠鵠一也，何大小之異哉！

何焯發明陳氏書法³⁸曰：

二牧不從董袁羣雄之例而列蜀志首，非夷昭烈於割據也。王者之興，先有驅除，評云‘慶鍾二主’卽以漢家故事，明統緒所歸，天祚真主，卽二牧猶不得以妄干耳。其文則省霸國之書，其義莫非天子之事，遺臣故主之恩淵矣哉！

此論較爲得陳氏命意所在，遠勝劉氏膠柱之見矣！

三國志典雅凝鍊，惟間傷於簡略，於是遂有裴松之注爲之彌補缺憾。松之字世期，本河東聞喜人，先世南渡，家於吳中，事蹟詳宋書卷六十四本傳。初，宋文帝以壽志既多脫漏，復與諸書頗有異

36. 史通志卷四，葉十一下斷限篇。

37. 全上，葉十六上，編次篇。

38. 蜀書卷一附攷證。

同，因命松之采錄衆作，加以注釋。其書成於元嘉六年，³⁹網羅頗稱繁富。四庫館臣謂綜其大致約有六端：⁴⁰曰，引諸家之論以辨是非；曰，參諸書之說以核譌異；曰，傳所有之事詳其委曲；曰，傳所無之事補其缺佚；曰，傳所有之人詳其生平；曰，傳所無之人附以同類。惟嗜奇愛博，每傷蕪雜，劉知幾⁴¹及陳善皆曾譏之；或謂其甘苦不分，或評其侈談神怪。第魏晉典籍，今已佚者，尙多賴之而傳，故其注非徒可爲承祚功臣，抑亦學林福星，微疵小累不足病也。

三國志叙事，首尾幾及百年，且所据之資料不一，抵牾訛誤，自所難免，而裴注亦不能毫無罅漏，故後世質疑補注之作，仍復不尠。如宋人三國志辨誤，清杭世駿三國志補注等類之書，成專著者不下二十餘種，若零篇短簡則更難以數字計；留心書者，可取而讀之，不遍舉矣。

三國志注皆爲史學要籍，而注引用之書，又爲輯佚諸家所資，因綜合編爲引得，想於治學之士，不無幾許裨助也！

39. 三國志前附松之之表。 40. 四庫全書總目卷四十五，集部下，大東書局印本。

41. 史通卷五 集部十二下，補注篇。 42. 捫蝨新語卷六，集部四下，商務印書館鉛印本。

叙 例

1. 引得譯自英文 Index, 即索引之改譯。
2. 本引得係據光緒癸卯(1903)上海五洲同文書局石印二十四史本三國志編纂而成。爲便於用者計, 另附各板三國志葉數推算表, 俾有任何板本三國志者, 皆能利用本引得而無扞格之患。
3. 本引得各條有目注之分。如引得頁396“桓嘉尙升遷亭公主”一條, “桓嘉”爲目, “尙升遷亭公主”爲注。凡目均用五號鉛字, 注則用六號。
4. 本引得依中國字庋擲法排列。其法先將各條目字分爲五體, 然後化爲號碼; 計算方式, 詳於後附之表。至次第則以號碼小者在大者之前。如“心”“永”皆爲“1”體, 惟“心”之號碼00100小於“永”之00600, 故排於“永”前。倘第一字同而第二字異者, 則以第二字號碼小者居前。餘類推。又, 本引得皆逐體分別排印, 故印體碼於書眉上, 以便翻檢。
5. 本引得每條所注卷葉, 說明於下:

荊州刺史胡質拒朱然 魏 3/17a 魏書卷3, 葉17上面。

韓世雄, 甘始師, 魏注 29/7a 魏書卷29, 葉7上面, 裴注。

——一作韓稚 魏考 29/1a 魏書卷29, 所附考證葉1上面。

龐統, 諸葛亮重, 蜀 10/7a 蜀書卷10, 葉7上面。

龐德公字山民 蜀注 7/1b 蜀書卷7, 葉1下面, 裴注。

——子字山民 蜀考 7/1a 蜀書卷7, 所附考證葉1上面。

韓琮降魏 吳 2/18a 吳書卷2, 葉18上面。

——當作韓綜 吳考 2/2b 吳書卷2, 所附考證葉2下面。

韓續爲河內太守 吳注 9/1a 吳書卷9, 葉1上面, 裴注。

6. 凡目同者, 其排列先魏書, 次蜀書, 次吳書。書同者, 依卷次前後; 卷同者, 依葉次前後。書與注皆混合排比, 不予分列。惟一

人有專傳時，則不問其專傳之卷次前後，概列於前。如引得頁 393:

韓當 吳 10/3a-4a

一，臧霸攻，魏 10/6a

一從孫策攻黃祖 吳注 1/13b

7. 本引得對三國時代諸人，無論帝王庶民，皆以姓名爲主，下括異稱，注其所在卷葉；而於其字號或稱號下僅括見本名。如：

曹丕（世子丕，五官將，文帝，文皇帝，魏太子） 魏 2/1a-2b

世子丕（見：曹丕）

五官將（見：曹丕）

文帝（見：曹丕）

文皇帝（見：曹丕）

魏太子（見：曹丕）

其非三國時代之帝王，則皆稱其諡號，如司馬炎不以本名爲主，而以晉武帝立目。若書及注對一人僅舉別稱，未言本名，即以別稱爲主，如張雷公之以綽號爲目是也。至於婦女，亦以姓名爲主，如引得頁 99:

趙娥（龐涓母，趙娥親）之報父仇 魏 18/16a

若不知名則於姓下加一氏字，如引得頁 338:

張氏，孫和妃，自殺 吳 5/7a; 14/8a

若並本姓名不知，而僅知其夫或子者，則以其夫或子爲主，下加妻或母字。如引得頁 103 及 173:

秦宜祿妻，關羽乞娶，蜀注 6/1a

董卓母 年九十二被誅 魏注 6/8a

惟皇帝妃嬪則於本姓下綴其位號，如卞太后，張美人，孫夫人之類皆是。

8. 凡人地名同而實異者,皆另爲立目。如引得頁 333:

張邈(孟卓,張府君) 魏 7/7b-9b

一 討董卓 魏 1/5a; 6/4b

張邈,張緝遺子,與李豐相結 魏注 9/32a

此人名同而實異者。又如引得頁 392:

漢壽(參:葭萌),郭修刺費禕於, 魏 4/10a; 蜀 3/6a

一 費禕屯, 蜀 3/6a; 14/6a

一 胡濟屯, 蜀 14/9b

漢壽,潘濬武陵人 吳 15/1a

此地名同而實異者。若一人因各種關係而有二稱,一地以前後更改而有二名者,則於每一名稱下皆書參其另一稱謂。如引得頁 179, 181 及 382:

李述(參:李衡)攻殺嚴象 魏 15/1a }
李衡(參:李述)殺嚴象 魏注 10/6a } 傳鈔訛誤

徐庶(參:徐福,元直)重諸葛亮 蜀 5/1b }
徐福(參:徐庶),魏略以,等十人共傳 魏注 23/19a } 前後更名

此人名之參見者。又如引得頁 177 及 392:

葭萌(參:漢壽),劉備至, 蜀 1/5a; 2/10a

漢壽(參:葭萌),郭修刺費禕於, 魏 4/10a; 蜀 3/6a

此地名之參見者。若人名與地名字偶同,亦分別立目,如引得頁 384:

徐陵,魏軍攻, 吳 2/14a 地名

徐陵 爲虞翻所讒拔 吳 12/6b 人名

9. 凡官名有兩種稱謂者亦用參見法。如引得頁 384:

徐州別駕(參:徐州別駕從事)趙昱說陶謙勤王 魏 13/15a

徐州別駕從事(參:徐州別駕),趙昱爲, 魏注E/10a

10. 爲便於不嫻熟中國字庋擲法者計,擇每目之首一字,分別爲筆畫及拼音二檢字,附於引得之前,每字之下皆附有中國字庋擲號碼。筆畫檢字,凡筆畫同者皆按康熙字典順序排列。拼音檢字則依 Herbert Giles, *Chinese-English Dictionary* (Kelly and Walsh, Shanghai, 1912) 拼法,惟“i”音者皆併於“yi”耳。

三國志及裴注綜合引得

筆畫檢字

一畫——七畫

一畫	五 1/70701	五畫	瓜 4/22290	好 5/34130	佐 5/90370
一 1/10000	五 1/70701	且 2/87113	瓦 1/70310	如 5/34881	何 5/90721
乙 1/18810	元 3/01810	卅 1/33811	甘 1/33882	字 3/02130	佛 5/90554
二畫	什 5/90300	丘 1/82701	生 1/25700	守 3/02300	作 5/90970
丁 1/70200	仁 5/90110	主 3/01370	田 2/88301	安 3/02340	佞 5/90040
七 1/30810	仇 5/90310	仙 5/90280	由 1/58884	寺 3/37300	兵 3/87901
九 1/38010	今 2/90020	代 5/90300	甲 1/88584	州 5/20220	洽 5/01681
二 1/10100	介 2/90220	令 2/90020	申 1/58084	式 2/30770	冷 5/01920
人 1/90000	仍 5/90720	冉 1/58334	白 1/28882	戎 2/50300	初 5/09720
入 1/90000	允 3/60210	冬 2/24010	皮 4/32840	扌 5/50730	刪 5/83223
八 1/90000	元 3/11210	功 5/77320	石 4/72881	曲 1/55886	別 5/82221
刁 1/18120	內 1/38020	加 5/32881	禾 1/20600	有 4/30822	利 5/26220
力 1/38020	公 2/90600	北 5/70710	立 3/01910	朱 1/25600	助 5/87323
卜 1/30000	六 3/01900	半 1/60500	六畫	朴 5/36200	勸 5/78321
十 1/20000	宀 3/02810	占 3/70881	委 1/18100	次 5/11290	卻 5/78821
三畫	升 1/23300	古 3/30881	交 3/01940	死 1/70210	卽 5/21822
丈 1/50000	卞 3/01200	旬 2/22881	仰 5/90820	汙 5/01730	君 4/85883
三 1/10100	友 4/30840	召 3/72881	仲 5/90502	汙 5/01730	含 2/90081
上 1/70700	天 1/70390	史 1/58002	征 5/90270	汎 5/01810	吳 2/29882
下 1/70200	太 1/30900	右 4/30881	伊 5/90752	汝 5/01340	吾 3/77881
于 1/70300	夫 1/50900	司 1/18821	伍 5/90771	江 5/01770	呂 3/88282
亡 1/00810	礼 5/13210	四 2/88210	伎 5/90340	池 5/01310	壯 5/27370
凡 1/88210	少 1/60200	外 5/22200	伏 5/90390	灰 4/30590	夾 1/30900
千 1/20300	尤 1/30010	奴 5/34840	伐 5/90500	牟 3/60250	妖 5/34290
土 1/30700	井 1/78502	左 4/30770	休 5/90360	百 3/72882	妙 5/34620
土 1/30700	屯 1/50810	巨 2/81181	先 3/27210	晉 5/60600	孝 4/33130
夕 1/28200	巴 1/88812	市 3/01300	光 3/67210	米 1/60500	宋 3/02360
大 1/30900	心 1/00010	布 4/30300	全 2/90770	羊 3/91500	尾 4/82211
女 1/30400	戶 1/08281	平 1/70300	共 3/37901	羽 5/72720	岑 3/28920
子 1/18300	支 3/30840	幼 5/66320	荆 5/73221	老 4/33710	巫 1/70700
小 1/60000	文 3/01400	弁 3/60330	列 5/74220	考 4/33720	延 2/14270
尸 1/88281	斗 1/03000	弘 5/12600	甸 2/22280	求 1/50600	廷 2/14270
山 1/22880	方 3/01220	戊 1/50200	匡 2/81770	肉 2/32900	彤 5/83220
川 5/20220	日 1/88882	斥 4/22720	卽 5/81820	臣 2/81223	志 3/37010
王 1/70700	月 2/82112	未 1/50600	危 3/22810	至 3/76370	成 2/50720
己 1/18810	木 1/30600	未 1/50600	合 2/90181	白 2/88110	我 1/25500
干 1/70300	比 5/71710	本 1/50090	吉 3/37881	舟 1/28330	扶 5/50590
弋 1/30000	毛 1/20810	正 1/70700	名 4/82881	艮 4/88902	投 5/50840
弓 1/18200	氏 4/28300	辰 4/28300	后 4/22181	艾 3/33400	折 5/50820
才 1/50000	水 1/29660	辰 4/88301	吏 1/50002	行 5/29120	攸 5/90240
四畫	火 1/60900	永 1/00600	向 2/22881	西 1/70831	攻 5/77940
不 1/70600	牙 1/70231	泥 5/01810	圭 3/37370	卽 5/81821	旱 3/88732
丑 1/78702	牛 1/25000	发 4/30840	地 5/37310	七畫	杆 5/36730
中 1/58082	犬 1/30900	亥 3/01660	多 4/82220	伯 5/90282	李 3/36130
丹 1/88330	王 1/70700	玉 1/70700	夷 1/50902	位 5/90010	材 5/36320

杖 5/36500	京 3/01861	鼠 4/82281	狢 5/42090	勇 3/10824	段 5/83840
杜 5/36370	俚 5/90892	岷 5/28831	狗 5/42221	南 3/30820	泉 3/28262
步 3/27220	使 5/90502	昂 3/28302	攻 5/77940	厚 4/12832	洛 5/01281
汧 5/01230	來 1/30600	井 5/23230	的 5/28222	咨 3/19881	洞 5/01821
汲 5/01740	侍 5/90330	弧 5/12890	盱 5/88733	咸 2/50181	津 5/01502
汴 5/01020	侏 5/90260	征 5/29770	盲 3/01283	哀 3/01891	浦 5/01322
汶 5/01040	依 5/90090	忠 3/50012	直 3/30274	垣 5/37112	凌 5/01040
決 5/01591	兒 3/88210	戾 4/02391	社 5/03370	奏 2/59790	流 5/01010
汾 5/01920	咒 3/88210	房 4/02021	祁 5/06820	姚 5/34010	洪 5/01391
沂 5/01820	兩 2/72990	承 1/18590	秉 1/20602	姜 3/91340	洮 5/01010
沃 5/01290	其 3/37903	抱 5/50211	蒼 3/91310	姦 3/34340	洵 5/01222
沈 5/01310	典 3/57906	拔 5/50340	空 2/02970	姚 5/34592	恒 5/01112
沐 5/01360	函 2/28760	政 5/77940	肥 5/82814	威 2/50740	洩 3/22740
沔 5/01721	刺 5/56220	斧 2/90420	育 3/01622	宣 3/02112	狃 5/42112
洩 5/01710	卑 3/25304	於 5/02910	卧 5/87203	宣 3/02873	珊 5/77833
沙 5/01620	卒 3/01930	昆 3/88712	舍 2/90781	封 5/37300	毗 5/88714
沛 5/01500	卓 3/70832	昌 3/88884	芙 3/33590	帝 3/01930	界 3/88924
派 5/01890	協 5/30320	明 5/88824	芝 3/33090	幽 2/28660	阜 3/28772
災 3/66690	卷 2/69810	易 3/88222	莞 3/33110	度 4/02341	相 5/36883
牢 3/02250	叔 5/76840	服 5/82842	芮 3/33320	建 2/14502	禹 2/22602
狄 5/42690	取 5/77843	束 1/50504	芳 3/33020	恰 5/30981	禺 2/82604
玗 5/77730	受 3/22040	杼 5/36120	芸 3/33160	彥 3/01420	設 5/05810
男 3/88324	周 2/82581	松 5/36960	虎 3/70810	律 5/29502	种 5/26502
阜 3/28302	味 5/88561	林 5/36360	迎 2/09820	後 5/29640	科 5/26030
禿 3/26210	呼 5/88231	果 1/88604	郛 5/38822	怒 3/34010	稭 5/26501
秀 3/26720	咄 5/88281	枝 5/36340	郛 5/72820	思 3/88014	突 3/02990
私 5/26600	命 2/90121	武 2/13270	郛 5/78821	忽 3/22010	竿 3/66730
良 4/08902	和 5/26881	杏 3/26882	郛 5/83820	恪 5/60281	穿 3/02931
芍 3/33220	闕 2/88381	剗 5/32220	金 2/90770	挂 5/50370	紀 5/66811
芒 3/33010	夜 3/01940	沮 5/01873	長 3/87290	指 5/50782	美 3/91390
角 3/22824	奄 2/39514	河 5/01721	門 5/82824	故 5/38941	胃 3/88826
谷 2/90981	奉 2/59500	沸 5/01554	阜 3/28302	施 5/02910	湖 5/38823
貝 3/88903	妻 3/50342	油 5/01584	阿 5/82721	星 3/88272	胸 5/82223
赤 3/37220	始 5/34681	治 5/01681	附 5/82930	春 2/59882	致 5/77940
走 3/37790	姐 5/34873	沿 5/01881	青 3/57822	昭 5/88783	苑 3/33210
車 1/50004	姑 5/34381	洵 5/01221	九畫	是 3/88792	苦 3/33381
辛 3/01930	委 3/26340	洩 5/01311	亭 3/01821	昂 3/88822	英 3/33592
辰 4/12190	孟 3/13873	洪 5/01360	亮 3/01811	袍 5/36211	直 3/33873
邑 3/88813	季 3/26130	潤 5/01880	侯 5/90190	槿 5/36910	荷 3/33920
邨 5/01820	孤 5/13890	波 5/01340	便 5/90744	柄 5/36720	茂 3/33500
邨 5/73821	宕 3/02781	泥 5/01811	俊 5/90540	栢 5/36781	范 3/33010
那 5/75822	宗 3/02160	汶 5/01090	保 5/90861	栢 5/36531	茄 3/33381
邦 5/50820	官 3/02882	泮 5/01650	俞 2/90162	根 5/36873	荏 3/33970
邪 5/73821	定 3/02790	晃 3/88692	信 5/90081	查 3/36812	虹 5/56772
酉 1/70881	宛 3/02210	炎 2/69690	堯 3/61911	柯 5/36721	表 3/57990
阮 5/82110	宜 3/02873	版 5/22840	景 3/88886	柳 5/36820	計 5/08301
八畫	尙 3/60821	牧 5/25940	冠 3/02110	柴 3/21360	貞 3/70893
乳 5/23210	居 4/82382	狐 5/42890	前 3/91822	殄 5/72920	軍 3/02504